

Ճանապարհային ոստիկանության վարչական տույժ նշանակելու մասին 23.01.2019թ. թիվ ԱԴ-785598 որոշումն անփոփոխ թողնելու իսկ 12.02.2019թ. թիվ 1909104677 որոշումը բեկանելու և վարչական վարույթը կարճելու մասին

<<3>> 14 2019թ. 17/13 - 1756

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Էդգար Հովսեփյանի թիվ 29402-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Օրբելի Եղբայրների փողոցի 18 շենքի 12 բնակարանի բնակիչ Էդգար Հովսեփյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ ԱԴ-785598 և 1909104677 որոշումները նշելով, որ դրանք կայացվել են նույն իրավախախտման համար:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

Դիմումի քննարկման արդյունքում պարզվել է, որ թիվ 1909104677 որոշմամբ դիմումատուն վարչական պատասխանատվության է ենթարկվել 23.01.2019թ. ժամը 13:59-ին Երևան քաղաքի Արուսյան-Թումանյան փողոցների խաչմերուկի հատվածում 3.27՝ <<Կանգառն արգելվում է>> ճանապարհային նշանի ազդման գոտում կանգառ կատարելու համար, իսկ Ճանապարհային ոստիկանության ճանապարհապա-րեկային ծառայության 1-ին գումարտակի 7-րդ սպայական դասակի տեսուչի կողմից թիվ ԱԴ-785598 վարչական իրավախախտման վերաբերյալ արձանագրությունը կազմվել է նույն վայրում, նույն իրավախախտման համար 23.01.2019թ. ժամը 14:50-ին տրանսպորտային միջոցը տարհանելու կապակցությամբ:

Վարչական վարույթի ընթացքում պարզվել է նաև, որ առկա չէ իրավական որևէ հիմք թիվ ԱԴ-785598 որոշումն անվավեր ճանաչելու համար, քանի որ դիմումատուի տրանսպորտային միջոցը տարհանվել է հատուկ տեխնիկայի միջոցով և տեղափոխվել հատուկ պահպանվող տարածք երթևեկության մասնակիցների համար խոչընդոտ հանդիսանալու պատճառով, ուստի այն բավարարել հնարավոր չէ:

Ելնելով վերոգրյալից, ղեկավարվելով <<Վարչարարության հիմունքների և վարչական վարույթի մասին>> օրենքի 63-րդ հոդվածի 1-ին մասով և Վարչական իրավախախտումների վերաբերյալ 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 23.01.2019թ. թիվ ԱԴ-785598 որոշումը թողնել անփոփոխ, իսկ վարչական բողոքն առանց բավարարման:
2. Ճանապարհային ոստիկանության վարչական տույժ նշանակելու մասին 12.02.2019թ. թիվ 1909104677 որոշումը բեկանել և վարչական իրավախախտման վերաբերյալ գործի վարույթը կարճել:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել էդգար Հովսեփյանին և ՃՈ վարչական գործունեության բաժանմունք:



Կատարող՝ Ա. Հարությունյան